

H

Resp 38341 - 4-1
7-10

SATIRO

SUL

CRÉDI FOUNCIÈ,

A L'OUCASTOU

D'UNO PASSÉJADO AL POUN-ROUGÉ

Lou premiè jour dé Carémo,

PER JUNIOR SANS, ÉPRIMUR



BÉZIÈS,

ÉPRIMARIÈ DÉ M^{llo} PAUL, PLAÇO DÉ LA COUMMUNO.



1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900

SATIRO SUL CRÉDI FOUNCIÉ.

Vil métal! -- BURKE.

Lou moundé és un éfan qué toujours cal fa riré ,
Nous ou dis LA FOUNTENO , on pot pas s'en dédiré.
Quand caoucn mét al jour quicon dé sérioué,
Digus ou gueïto pas, dessus cént béleou dous.
Yeou qué soi joubé et qu'aï la mino d'un éstori
Et malhérousomén gairé dé coumprénori,
Sans fa sémblan dé rés m'én soi presqu'abisat ;
Bous parli pas dé lènt, despeï l'estiou passat.
Atabé, soi tournat aquest'an, poudès creiré,
Per parla del *Prougrès* amaï per bous rébeiré.
Coumo baoutrés aïssi béni mé passéja
Et, sé sès pas pressax, aro, sans raisséja ,
Per plaïré à moun ésprit m'én boou préné ma lyro
Qué mé dis dé canta ma ségoundo satiro.
Faraï pas coumo Horaço amaï Lucilius,
Jubénal ou Boileau, noumarai pas digus :
Tarax ! n'ajés pas pouu ; soi pas prou boun cantairé :
Canti qu'én biel patouès, coumo canto moun païré.
Dono-m'un cop dé ma , Muso, fai-mé ranfor !
S'agis qué dé canta tout éscas aquel or,
L'idolo dés mourtèls ; aco né bal la péno ;
S'ensémlé toutés dous y toucan la coudéno ,
Aco séra leou fax , m'escarrabillarai ,
Del téns qué parlaras yeou toujours cantarai ,
Et sé juscos al bout mé donos dé couraxé,
Bei, sul CRÉDI FOUNCIÉ, faraï fosse tapaxé.
Bisque ! bisqué loun'éns nostré grand AMPÉRUR
Qué dés paourés suxex bol faïré lou bounhur !

Messius, tout ço que fa bal un cop dé troumpéto,
Et ço que bous boou diré és pas uno sournéto :
Dono d'ordrés pertout per fa dé grands trabals,
Agrandis fosse ports, alongo dé canals.
Rébiro tout Paris, alargis sas carrieiros,
Fa coupa caouqué bosc et crusa dé ribieiros,
Fa basti d'éspitals, loxo lou malhérous
Et soulaxo toujours l'oubriè qu'és bergougnous.
Sé fa tira lou sor, émmando l'aoutro classo,
Médaïllo lou souldat et mét tout à sa plasso ;
Parlo pas trop soubén, semblo qu'y toco pas,
Mais paméns bol que tout y passé joust lou nas.
Fa baraila l'argén, sarro las capitalos
Per lou mouyèn d'un fial et laxo fosse andialos.
Tout és én moubémén, ou bésèn per aïssis
Qué dins lou méndré rés ba sanja lou païs ;
Dins lou Nord, lou Miexour fa dé camis dé ferré,
Foun d'argén tant qué pot per qué n'anén leou querré.
Énsi, bouléguén-nous, anén à Mounpéliè :
És aqui qué l'a més per lou CRÉDI FOUCIÈ
Qu'a créat tout ésprès per sousta lous artistas,
Paysans, éntreprénous, maynaxès et drouguistos ;
Anfin per toutes lous qué n'aouroou dé bésoun.
Qué pensas del nébout del grand NAPOULÉOUN?...
Crégas qué l'y bei prin, qué l'y fouu pas la nico ;
Et soun CRÉDI FOUCIÈ coupara pla la xico
Anaquélés mandrèns qu'appélan per éscàis
Dé *gigouturs d'argén* qué sou lènt dé fa jaïs
Ambé lous éngrunax et lous arpatéjaïrés ;
És aquélés, pourtant, qué l'y fouu sous affairés ;
Mais fort hérousomén qu'aïssi n'abèn pas cap !
— Té troumpos ! say gna maï qué dé pelsés al cap,
Mé disio l'aoutré jour uno dé mas bésinos.
Oïl quané xabalet, mais pensu qué badinos !
Coussi ! tus sabios pas qué dins nostré Béziés
Ount l'argén rollo tant y ajesso d'*usuriès* ?
— Bou Libou ! ba pas mal ! qu'ano bouno noubèlo
Tus m'apprenés aqui ; m'én contos uno bèlo !
— Ha ! tus ou sabios pas ? Yeou disi pas aïtal ;

Couneïssés pas aquel, un tal, un tal, un tal?...
— Mais?... — Té disi qué si. — Ba pla per lou cop d'arpo.
M'éstabourdissés tout, mé fas perdré la carto :
Conto-mé tout acos. Et, sans sé fa préga,
M'en débanèt un flocc sans m'en fa rés paga,
Et beï bous ou béndraï pas maï qué noun mé costo ;
Bous ou boou fa fila coumo un boun à la posto ;
Mais à la counditiou qué téndrés lou secrèt !
Messius, aco's aïssi lou gros de moun suxèt.
Attention ! lous ténèn aquélés manjadouïrés
Qu'an l'argén mal gagnat farcissou pla sous ouïrés.
Ni per réboutéga, ni per frounsi lous pox ;
Aouroou bèl éscoupi, lous boli fa capox.
Costo caré soubén dé diré sa pénsado ;
Mais tant bal per qu'y sèn acaba la tirado
Per bous fa beïré un paouc coumo dédins Béziès,
Aquélos brabos géns coumprénou lou *prougrès*.
Aïtal un aoutré cop saouprés coussi s'en prénon
Quand éspoulsou caoucn ou qué lous éntéménou.
Aïssi soun paraouli quand prestou soun argén :
Aï! bounjour, moussu tal ! qu'ès aqeste boun Bén
Qu'aïssi bous a ménat ? — Moussu, soi béngut beïré
S'abias un paouc d'argén ? — N'aï pagés. Poudès creïré...
Mais per l'amour de bous, anén ! bou'n cercaraï
Et pénsi né trapa. Béndrés dema. — Béndraï.
L'aoutré qu'a maï besoun d'argén qué dé priéros,
Dédins aquel moumén, couneïs bé sas manières,
Mais l'y torno pamens. — Bounjour !... — Bén de sourti,
Moussu s'és én anat, tourbas dema mati.
A soun trésiémé cop alors y lou capito,
Et Tartufo l'y dis an soun er catoumito :
— Qu'aï roudat per trapa ço qué mé demandas !
Cal pla qué sègué bous, aoutromén.... sé sabias !
S'en jaouto pas digus ; mais aquélo persouno
Qué bol bous ou presta, sa rasou n'és pla bouno :
Abañ dé fa sourti ço qu'a d'arrémassat,
Per qué dis qué bol pas éstré tourna troumpat,
Bol beïré lous papiès del mariaxé et las taillos
Qué pagas ; aoutromén, pagés d'écux ni maillos.

L'aoutré qu'és éscanat, qué l'in cal per déma,
L'y ba dé bouh mati lous papiès à la ma,
Countént, dins soun malhur, dé sa bouno troubaïllo.
Dins dé mouméns aïtal, crégas, l'ésprit baraïllo :
— Ménjan, légissé-lous.... Et quand lous a légix,
Sou-dis : — Aco's acc ; poudèn passa l'éscrix !
Quand bous cal ? milo francs ? Métrén milo cinquanto,
Né bol ni maï ni méns. — És caré ! coussi canto !
— Sé n'abio, sabès bé.... per quinze jours, un més,
Yeou bous counéissi trop, bou'n coustario pas rés ;
Mais..... — L'aoutré qué n'a pas à perdré uno minuto,
Rafis bé prou lou nas, mais sinno buto-buto....
--- Un dé maï d'espoulsat ! quand biro lous talous,
L'homme dis à sa fénno : aco beï sou lous dous ;
L'aï pla fax jangoula, déqué né disés, Roso ?
S'ou torno pas al téns, y douplaraï la doso :
Aquel raï!.... D'un premiè, lou cal amagnaga ;
Garo del ségoun cop ! lou boli pessuga !...
Sou rusax, lous couquis, counéissou la xicagno,
Et dins aquel mestiè s'y fa fosse magagno.
Ount és passat lou téns qué per presta d'argén
Sans carto ni billét s'amagabou soubén ?
Ount és ? ount és passat ? Pst à partit brutèlo,
Et jamaï fara pas coumo fa l'hiroundèlo.
Per presta soun argén ouu milo rébistours ;
Mais bous lous dirai pas, mé cario quinze jours.
Amb'aquel gna pla prou per bous faire coumpréné
Coumo fouu soun mestiè : bous y fagués pas préné !
Dious bou'n gardé, Messius ! s'ou dessalabi tout,
Sérias toutés éstancs ; tramblarias dé pertout ;
Mais élés tramblou pas, ni maï n'ouu pas bergougno
D'arouina las géns per faire émpougno, émpougno.
Ah ! sé poudioou tabé, farioou coumo Midas ;
Per aquel or, Messius, beï déqué sé fa pas !
Acos és lou *prougrès*, et fossés lou séguissou
Èn sercan à toumba lous aourés qué brandissou.
Y cal d'or, toujours d'or anaquélés goulux
Qué, dex ou quinze ans y a, n'abioou pas cént éscux !
Et per qué l'aïmou tant et qu'aco's sa manio,

Qu'anou né derraba dins la Califournio,
Aqui l'in manco pas per aquelés gourris ;
Mais né bolou pagés , lou trabal y pudis ,
Aïmou maï say resta per nous touca la lano ,
Passa sas fantasiès et passéja la cano .
Lous qué n'ouo déjà prou pènsou qu'à soun bounhur ,
En badan aquel or , et risou del malhur !...
Mais tal ris à miexour qué deou lou bèspré plouro !
Et lou téns qu'és tant fi nous dis pas jamaï couro....
Sabès déqué respon al rey Crésus Souloun
Qu'y mostro soun palais dé saloun én saloun
Et toutes sous trésors , tisso dés banitonsés ?
« *Cal pas aban sa mor diré qu'on és héroutsés.* »
Un prouberbé atabé nous dis éncaro maï :
« *Lou bé mal acampat proufito pas jamaï.* »
A déqué l'y serbis soun mestiè dé canaïllo ?
Hé ! Dious ou sap , ségu , lous qu'ouo mès sus la paillo !
A déqué ? per déqué ? Per amoulouna d'or !
« *Bouno réputation bal maï qu'un gros trésor.* »
Toutés nous cal mouri ; sèn pas maï sus la terro
Qué dé basés dé flous coumo dins un parterro
Abèn bèl nous souègna , cerca dé médécis !
Quand lou d'amoun ou bol cal sanja dé païs .
Alors ou laïssan tout , acos és sans countèsto ,
Juscós anaquel or ; mais l'hounou toujours rèsto .
As falsés , trabessiès qué perdou soun hounou
Per abeïré un trésor , aloul très cox aloul...
Sabès déqué cal fa quand on bol béni rixés ?
Sans tant ana serca dé dixés , dé , redixés ,
Dins dous mox ou bouo diré ; éscoutas , n'és pas loun :
« *Sé cal passa dé tout ço qu'on n'a pas bésoun.* »
Car dé sé countenta dé ço qu'on pot abeïré ,
És lou pus bèl trésor per l'homme , poudès creïré !
Énsi , cal pas jamaï mangea maï qué noun cal ,
Ni fairé uno caserno alogo d'un oustal .
L'or és coumo lou téns , un éscrix nous l'attesto :
« *Én l'emmessan quand cal on n'a toujours dé resto ;* »
Mais sé n'abès pas prou per fa caouqué trafic ,
Fourbias l'usuriè qué sé dis bostré amic !

Manlébas, manlébas à la *Banco founceiro!*
Passas bité un countrat d'hypouthèco premieiro
Sus toutés bostrés bés, et pagas l'intèrès
Just pèndén cinquant'ans ou pas tant sé boulès.
Boulès bous liquida dins binto-cinq annados?
Douplas-y l'intèrès, et quand séroou pagados
L'y deourés pas rés pus, et sé boulès dins méns,
Toujour à bostré agrat; bous taxo pas lou téns.
Fasès dé bostré émprouut coumo d'un flocc dé goumo;
Pagas cinquanto cox l'intèrès dé la soumo,
Dins cinq, dex ou bint ans, és coumbéngut aïtal;
En pagan l'intèrès pagas lou capital.
Cal és qué pot bous faïré un tant grand abantaxé?
Couneïssi pas digus qué fagué aquel usaxé.
En Franço gnabès qu'un, qu'és lou CRÉDI FOUNCIÈ,
Qu'à d'argén à moulous qué fagué aquel mestie.
Aro qu'ou sabès tout, del fial jusqu'à la gullio,
Tant pis s'à l'abéni l'usuriè bous éngullio!
Pourrés pas m'accusa qué noun bous ajé dix
Tout ço qué bous cal saoupré; aro sès abertix.
Mais cal creïré qué leou la Banco dé las bancos
Engrunara l'usuro et racinos et brancos!
N'ai qu'un lagui, pourtant: és qué toujours gnaoura,
Car un prouberbé dis: « *Lou qu'a bégut beoura.* »
En acaban, Messius, mé semblo énténdré diré:
Qu'és aquel boun biban qu'és bégut nous fa riré?
N'és pas yeou, mous amix, és mou ésprit malin.
Tant pis per lous qu'aïssou tombo dins soun jardin!
Yeou, dé mou paouré ésprit né soï qué l'éntèrprèto;
Qué séra pas countént qué tiré aquélo guèto!
Quand on marxo toujours ambé la héritat,
Cal pas abeïré pouou d'estré countrariat.

JUNIOR SANS, émprimur.

Béziès, 4^{er} mars 1854.



Chez M^{re} PAUL, imprimeur-libraire, place de l'Hôtel-de-Ville.